

佛祖統紀卷第三十七

宋咸淳四明東湖沙門

志磐撰

法運通塞志第十七之四

梁武帝

武帝

天監元年帝夢釋迦檀像入國

天竺優填王所造者

造

遣郝騫等

往西竺求之

于陀利國入

貢云其王夢異僧曰東土有聖王出十年之

後佛法大興。制僧尼犯過並依佛律行罰

。庾詵少與帝善及起兵署為記室不就山

居蔬食六時禮懺誦法華經於後夜見一道

人自稱頌公呼詵為上行先生後寢食驚覺

也

曰頌公後來吾其去矣舉眾聞上行先生已生淨土詔謚真節處士

二年帝問誌公國有難否誌指喉及頸

享國幾何曰元嘉元嘉

帝臨政苛急誌假帝神力見先君受苦地

下由是卹刑嘗詔張僧繇寫誌真誌以指勢

破面門出十二面觀音相或慈或威僧繇竟

不能寫時法雲雲光二師每講法華天華飛

集帝以其證聖於便殿夜焚書請誌公及光

雲齋翌日誌公獨至。扶南國沙門曼陀羅

來進珊瑚佛像詔譯經於揚都。四月八日

帝於重雲殿親製文率群臣士庶二萬人發

菩提心永棄道教其文云願使未來生世童
真出家廣弘經教化度含識同成佛道寧在
正法中長淪惡道不樂依老子教冀得生天
十一月敕公卿百僚侯王宗族並棄道教舍
邪歸正

三年帝御重雲殿講經以相國寺法彪爲都
講彪先一問 帝方酬答載索載微並通

玄妙

○帝嘗夢神僧曰六

道四生受苦無量何不作水陸大齋普濟群
靈帝乃披覽藏經創製儀文三年乃成遂於
金山寺修供命沙門僧祐宣文大彰感驗其時
光顯。敕於舊宅建光宅寺因宅七日放光

故以爲名敕法雲法師爲光宅寺主創立僧
制爲後世法。沙門智稜善涅槃淨名九通
莊老後值寇還俗道士孟悉達勸爲黃冠見
道家諸經略無宗旨遂引佛教爲之潤色解
西昇妙真諸經義皆自稜始武帝未捨道教
時引稜於五明殿堅義暮年爲諸道士講西
昇經忽失音舌卷於座上委頓而死衆以爲
叛教之報僧錄
五年扶南國沙門僧伽波羅來
六年御注大品般若經詔光宅雲法師爲百
僚講說
十年中天竺釋迦檀像至帝率百僚迎入太

秘殿建齋度人大赦斷殺結是弓刀並作蓮
華塔形反姓也初郝騫謝文華等八十人應
詔西行求像至舍衛國北云國物焉從王請
像王曰此中天正像不可適遠乃令三十二
匠更刻紫擅人圖一相卯時運手午時已就
頂放光明降霆香雨騫負像東還及渡大海
嘗聞甲冑之聲在後忽異僧禮像而言曰毗
舍羅神王護像至彼廣作佛事言訖而隱其
後元帝於荊州城址造大明寺奉安其像。
詔僧旻法師入殿講勝鬘經公卿畢集劉業
問曰法師佛學有餘何故多申儒旨旻曰昔
生公以頓悟通經次公以昆曇發論若貧道

初不以儒釋為限但據文義所向耳有沙門
遺趙基旻講業誓欲齊之夢天神告曰旻公
於毘婆尸佛時預宣法化君新發意何可類
及。何胤入鍾山定林寺聽內典通其旨後
隱居若邪山雲門寺二兄求點並從棲適號
點為大山胤為小山亦曰何氏三高。謝舉
長玄理及釋氏義為晉陵郡守與義學沙門
王講經論徵士何胤自武丘出赴北山就北山
下如飛雪帝以亢陽問誌公公曰雲能致雨
帝因請講法華至其澤普洽即大雲儀同哀
邦求有常供養僧發願欲如師慧解夢一僧

謂曰雲法師燈明佛時已講此經那可卒及。上集諸沙門製文立誓永斷酒食其略云。弟子蕭衍從今已去若飲酒放逸喫食衆生乃至乳蜜酥酪願一切鬼神先當苦治弟子將付地獄衆生成佛猶在阿鼻僧居飲酒食肉亦應如此加治是時復集僧居一千四百四

十八人於華林殿請雲法師講涅槃經中食肉斷大慈悲種子之文上親席地與衆同聽十一年敕寶亮法師撰涅槃經疏上親爲製序

十二年特進沈約著中食論謂勢利榮名妖妍靡曼甘旨肥醢皆使心神昏或不能得道

故聖人禁此三事

云云

十三年初誌公嘗與帝登鍾山指獨龍岡曰此爲陰宅先行者得之是年順化於華林園佛堂帝憶其言詔有司具葬此地建浮圖五級其上車駕臨葬致其忽見大士涌身雲間乃爲立開善寺

十五年西天沙門自圖其形于吳中靈巖寺像遇夜起行道祈禱神應後有梵僧曰此智積菩薩也。華陽真人陶弘景建菩提白塔于茅山嘗夢佛授記名勝力菩薩乃詣鄮縣阿育王塔自誓受五大戒臨終不用沐浴以大袈裟覆衾蒙首足弟子遵之

梁書

十六年敕太醫不得以生類為藥郊廟牲牲
皆代以麋宗廟薦羞始用蔬果色物皆全牛純

牲

述曰祭天地祀宗社必殺牲以備物皇王
以來用以為法有國家者掌之為故且不
敢有所議也夫司天地之化所以稱上帝

池七

稱皇天后土者至聖至神也烏有神聖而
好殺牲牢之命肯歆腥臊之食哉由夫上古
之俗茹毛飲血以是養已必以是事神神既
之見曾不知牲牢腥臭之為瀆也蒸民既
粒俗不能變聖賢教世師古法以著之禮
經於是後王遵而行之莫或敢議其可不

者以養已猶古不思事神之不當瀆也夫
果於殺命不仁也薦以腥臭不義也以不
仁不義為養已之舊習尚當思有以節以
求全好之心豈於事天地祖宗之神靈而
欲以牲牢腥臭之物以瀆之哉自佛法東
漸勸修齋戒天帝尚知事佛豈人事天而
不知事佛乎知所以事佛則不當以牲牢
瀆天為可信矣惟梁有武皇魏有獻文敷
郊廟祭祀不用牲牲而易之以蔬麴酒果
可謂遠古而道奉黍稷薦明水是亦三代
之祀法也烏在乎牲牢腥臭之物哉
慈雲法師於天台勸民俗祀神改祭為齋

其文有曰天子七廟下至庶人皆同祭祀
圓丘方澤上下神祇國之常典勸令斷祭
無乃太傷國風乎釋曰祭祀出俗典改祭
據佛經俗典則未逃殺害佛經則唯重慈
悲殺害則報在三途慈悲則果成萬德以
善改惡無不可者

池七

五

敕廢天下道觀道士皆反俗。敕沙門慧超
為壽光殿學士台衆僧法集講論注解經文
並居禁中此內道場之制
十八年會稽沙門慧皎謂寶唱名僧傳頗多
汎濫因著高僧傳始漢永平開德業爲十科
其自序云前古撰集多曰名僧然名者實之

賓也若實行潛光則高而不名若寡德適時
則名而不高名而不高茲焉用紀高而不名
則備今錄世以爲確論

普通元年沙門衆養於揚都譯文珠般若經
等十一部帝親筆受令寶唱繼之。帝於禁
中築圓壇將稟歸戒妙選賢明朝議以草堂
慧約法師應詔四月八日帝服田衣北面敬
禮受具足戒方行羯磨甘露降於庭有三足
烏孔雀二座階馴伏錫師號曰智者自是入
朝必設特榻而帝座其側自太子諸王公卿
僧俗從約受戒著錄者四萬八千人沙門耆
艾五蓋及老也亦從師重稟重音仲法雲獨曰吾

既受戒矣其可以法為人事邪議者高之此約

普通二年詔雲光法師於內殿講法華經天

三年詔修鄧縣阿育王寺

六年敕光宅寺法雲為大僧正官給吏力正僧

大通元年即北魏孝明武泰元年南天竺菩提

達磨汎海至廣州詔入見帝問曰如何是聖

永樂北藏

佛祖統紀

云不識國語云達磨帝不契國語云帝師逐

渡江入魏國語云後人傳所駕幸同泰寺

舍身群臣以錢一億萬奉贖皇帝歸宮

二年繫繫國進佛牙

中大通元年京城大疫帝於重雲殿為百姓

設救苦齋池七以身為禱復幸同泰寺設四部無

遮大會披法衣行清淨大舍素牀六瓦器乘小

車親升法座為眾開涅槃經題群臣以錢一

第二〇〇冊

金字般若經

五年帝幸同泰寺發金字般若經題自太子
已下聽法者三十萬九千六百人。吏部尚
書到溉家居蔬食朝夕從僧禮誦帝為月三
致淨饌所得奉祿非奉旨賜作佛宇許書者皆漢書皆充蔣山二寺山即鍾山也及卒顏色如生

手屈二指

六年烏傷居士傅翕至松山結菴雙檮樹間
自號雙林當來下生善慧大士令弟子奉書
詣闕稱帝為國主敕世菩薩詔報曰大士為
度衆生欲來隨意帝頒敕鎖門以觀其異大
士袖出木鉢一扣諸門盡開見帝於善言殿

謂者三贊不拜直上御榻對語設齋食竟出
鍾山坐定林松下大士一日披納頂冠鞞履
見上上問是僧邪士以手指冠是道邪以手
指履是俗邪以手指納衣大士陽昭代云。剡
川丘法宣誦通法華坐臥見帳蓋覆其上父
母令就齊明寺出家是日帳蓋即不見自是
博覽經論德七深探奧理衡王元簡為郡守請為
越城母師。繫繫國進佛舍利
大同元年帝幸同泰寺設無遮大會。智者
約法師云帝輟朝三日素服哭之從師受戒
者四萬八千人皆服緦麻哭送塔于誌公之
左。敕於重雲殿為善慧大士別設一榻講

三慧般若經公卿畢集天子至衆皆起迎大士不動御史問其故答曰法地若動一切法不安帝善之。隱士趙伯休於廬山遇律師弘度得衆聖點記云佛滅後優波離結集律藏以其年七月十五日自恣竟於律藏子便下一點年年如是波離以後師師相付至僧伽跋陀羅將律藏至廣州當齊永明七年庚午七月十五日自恣竟即下一點其年凡得九百七十五點伯休問曰永明七年後云何不點度曰已前皆得道人手自下點吾徒凡夫止可奉持耳伯休因點記推至大同初凡一千二十年與傳記參合世尊生滅之年皆

不同蓋其宗承有異也
二年帝幸同泰寺設無尋大會出梵典同是年凡三設大會。華陽真人陶弘景告化香氣積日不散謚貞白先生所撰書曰真誥有云清虛裴真人弟子三十四人其十八人學佛道餘學仙道紫陽周其人弟子十五人四人解佛法桐廬真人王子喬弟子二十五人八人學佛法對會稽東去岸七萬里其西小方諸山多有奉佛道有浮圖高百丈金玉鏤之此非佛道不。相聞爲陶隱居執役十餘年一旦有青童白鶴自天而下曰太上名相先生隱居問何道致此君曰修默朝之道積年

矣即昇天而去三日密降隱居之室曰君之
陰功著矣所修本草以蠶蟲水蛭輩為藥害
於物命一紀之後但解形去世為蓬萊都水
監耳隱居乃以草木藥可代物命者著別行
本草三卷以贖過

三年詔修長干塔掘基得石函內有金罌流

離瓶地七舍利爪髮數分入二塔同放光明。

帝幸同泰寺鑄十方佛金銅像復往阿育王

寺在虔原設無昇法食大赦天下。昭明太

子統薨太子天性好佛於東宮別立慧義殿

為法集之所招延名僧立三諦義當世美之

。岳陽王蕭譽察同船之子鎮越州重修甄木二

塔先是沙門曇彥與許詢同造此塔未就而
詢亡彥至是年百二十歲詢後身為蕭譽預
告門人曰許玄度來也詢字時譽先承誌公
顯示才入州便詣寺訪塔彥出門名之曰許
玄度來何莫昔日浮圖今如故遂以三昧力
加之即悟前身造塔事今越城應天塔

四年帝幸同泰寺設孟蘭盆齋梵語孟蘭此

得目連尊者設此盆供。通事舍人劉勰字季雅

為太子所重凡寺塔碑碣皆其所述石城碑見

存是年表求出家賜名慧地

五年敕沙門寶雲往扶南國迎佛髮

六年詔越州守臣蕭譽重修鄞縣阿育王寺

○扶南國王遣使朝貢請釋迦像及經論敕賜制止涅槃般若金光明講疏一百三卷○北齊慧文禪師於河南爲慧思禪師說三觀口決

七年百濟國遣使朝貢請經論敕賜涅槃疏十年于闐國遣使貢玉刻佛像

卷

九

中大同元年帝幸同泰寺講金字三慧般若經行清淨大舍皇太子群臣以錢一億萬奉贖歸宮是夜寺浮圖災上曰此魔所爲也乃詔曰道高魔威行善障生遂更起十二層浮圖

太清元年帝幸同泰寺設無遮大會行清淨

大舍升妙嚴殿講金字三慧般若經群臣以錢一億萬奉贖歸宮○西天竺三藏真諦來敕於寶雲殿譯金光明經等十部○時釋子多縱逸主僧不能制帝欲以律行僧正事詔下藏法師執不可帝解奪藏謂衆曰衣冠子弟十輩豈能俱稱父意今縣雜五方之衆而欲以一已好惡繩之可乎帝自受具戒寢處略同沙門雖宮禁亦恣僧遊覽一日藏師薨登御座左右訶之藏曰貧道定光金輪之裔寧魏此座滿欲見殺不慮無受生處帝特令不問

二年侯景反於壽陽初景在東魏以河南畔

永樂北藏

佛祖統紀

第二〇〇冊

歸西魏既而遣使至梁求內附上納之封河南王

三年侯景至建康陷臺城入見上於太極殿以甲士五百自衛帶劒上殿拜訖上神色自若曰卿在戎日久無乃爲勞使引就三公榻景惶懼不能對出謂左右曰吾踞鞍臨敵矢石交下未嘗怖畏今見蕭公使人畏懼無已習質也景既自稱丞相帝憂憤寢疾齋戒不爨口苦索蜜未至舉手曰荷荷遂崩帝日苗龍顏古文八字項有淨光日中無景右手成文曰武晚奉佛道日止一食唯豆羹糲飯反脫布衣皂帳一冠三載五十便絕房室不

飲酒聽樂製涅槃大品般若淨名三慧諸經義記數百卷○江陵居士陸法和隱居奉佛及侯景遣將任約擊湘東王於江陵法和與弟子八百人役神祠陰兵擊敗之復於江夏聚兵欲伐侯景王慮其爲亂止之和曰貧道求佛者尚不希釋梵坐處況人王位乎但以池空王佛所有香火緣今知王宿報欲救之耳既已見疑當是定業不可移也元帝既即位王相東以爲郢州刺史帝爲魏所執和與弟子俱入於齊梁書簡文帝第三子大寶元年四月八日詔度人出家親制預文

云弟子蕭綱以此建齋度人功德普度六道
四生出離愛欲永拔無明修習般若爲真佛
子

二年侯景廢帝幽于永福省進士囊頌之武
帝初革命張齊殺東昏侯送其首於帝除及
宗屬後數年簡文生誌公謂帝曰此子與怨
家同生蓋侯景以是年生於鴈門及景破建
康帝崩簡文繼及於禍梁子弟多見戮故世
稱侯景是東昏後身○北齊慧文禪師因閱
大論至四諦品偈云因緣所生法我說即是
空亦名爲假名亦名中道義恍然大悟乃遠
承龍樹依論立觀以授慧思禪師

永樂北藏

佛祖統紀

元帝

第七子

承聖元年真諦三藏以侯景之亂汎舶西歸
大風飄還廣州住制止寺譯起信論俱舍論
至陳朝共得五十部○帝嘗著書曰金樓子
云余於僧中重招提琰法師隱士重華陽陶
真白弘景謚貞白先生士大夫重汝南周弘正北周

池

十一

招提寺琰法師少時相者曰童子聰明而
壽不永師即發願入山誦般若經久之見僧
長丈餘語之曰此經功德不可思議後二十
年逢前相者驚曰得何妙藥而獲延年琰曰
持經耳○劉敬躬爲亂焚望蔡縣縣令寄近
寺民將牛酒爲禮令以牛繫柱并除佛像於

永樂北藏

佛祖統紀

第二〇〇冊

堂上接賓客牛忽自解來階下拜令大笑命左右宰之飲啖既飽醉臥堂下便覺編體疼痛搔成白癩年終而死顏氏家訓

敬帝方智元帝第九子

紹泰元年北齊文宣廢道教齊志。補關宗

殆以學行知名梁亡棄官出家號無名北周

誘以美官無名自陳反俗有五不可晚年為

息心銘悔少日克意文章黃魯直書此銘與少門智海刻之

張僧繇畫盧舍那像及仲尼十哲帝問釋門

何為畫孔聖僧繇曰後當賴此耳及後周滅

佛法焚天下寺塔獨此殿有宣尼像乃不毀

名畫記

陳都建

武帝陳霸先受梁禪



永定元年詔迎佛牙於杜姥宅姥莫補反設

四部無遮大會比丘等四部名爲四部

二年五月帝幸大莊嚴寺舍身翌日群臣表

請還宮十一月復幸莊嚴寺發金光明經題

十二月幸莊嚴寺設無昇大會行清淨大舍

翌日群臣表請還宮金陵七百寺值侯景焚

蕩幾盡自帝登極悉令修復翻經講道不替

前朝

三年敕大內設仁王太齋詔沙門寶瓊於重

雲殿講大品般若經時群臣請以重雲殿佛像寶慢珠玉珎佩所者行佩上王以造車與俄見雲氣籠殿雷電火起須臾焚盡月餘有從東州來者言是日見殿飛浮海上而去○高郵有尼誦妙法華不舍晝夜十爪二掌皆生華上名見內殿觀其華大嘉敬之世號華

池

七

手尼

文帝

舊高祖尼始興王子



天嘉元年敕寶瓊為京邑大僧統梁魏以來僧統威飾杖直擬於官府至是瓊奏罷之每出從數頭陀杖笠而已海東十二國聞瓊道德遣使奉金帛求畫像以歸○思禪師於光

永樂北藏

佛祖統紀

州大蘇山為顯禪師說安樂行示普賢道場二年善慧大士於山中行道常見七佛在前維摩從後唯釋迦常與大士語四年帝於太極殿設無碍大會行舍身法復集僧行方等陀羅尼法法華懺金光明懺並別製願辭稱菩薩戒弟子皇帝

六年西竺王子月婆首那來遊廬山譯勝天

王般若經

廢帝伯宗文弟太子



光大二年思禪師入居南岳是歲為岳君授

戒詳見前西下紀

宣帝順始興王弟太子



第二〇〇冊

大建元年四月善慧大士示疾七日縣令陳
鍾耆來禮敬傳香之次猶反掌受香舉衆驚
異敕徐陵撰碑山中

良渚曰傳燈言武帝請大士講金剛般若
執拍板唱四十九頌觀竹菴云多用三性
義語恐北方相宗人託大士名或云祇以

也

十三

拍板揮案一下誌公云大士講經竟然大
士入朝誌公已去世二十年何從有此問
荅樓穎編大士言行錄甚詳亦不載此事
顓禪師於瓦官寺爲儀同沈君理等講法華
經後常與衆講大智度論說次第禪門
○思禪師居南岳九仙觀道士歐陽正則詭

奏師爲巫蠱事漢江充奏廢太子爲巫蠱事
十人爲巫蠱事帝遣使召之則見師
自空中來驚悟其神一無所問以道士誣告
罪當棄市師請貸之令給事僧衆乃敕有司
治十四鐵券識十四姓名其上令隨師還山
服役舂米今俗呼舂米久之願以田充香積贖老
身因名留田莊於是藏其鐵券勒石爲記名
曰陳朝皇帝賜南岳思大禪師降伏道士鐵
券記詳見南岳本記
四年勅沙門慧暄音豆於樂遊園爲七廟講大
品般若
齊使崔武子來朝上以沙門洪偃才德兩優

命為館伴武子每與語輒大歎服朝議欲加
優冠師絕食自誓帝乃止

五年海東玄光沙門受法華安樂行義於南

岳禪師歸國演教為海東諸國傳教之始

六年周武帝罷佛道二教沙門靖嵩靈侶目僧

三百人皆相率歸南朝帝令駙馬蔡凝宣勅

曰法師等善明治亂歸寄有序宜於都郭大

寺安居所司供給○沙門智周十一人往西

天求經

七年顓禪師入天台佛隴

九年二月詔曰顓禪師佛法雄傑時匠所宗

訓兼道俗國之望也宜割始豐縣調徒引反

永樂北藏

佛祖統紀

以充衆費○淮淝之戰轉輸不繼敕所在僧
侶任其役律師智文上書曰君子為國必以
禮義主上誠知宇文廢滅之過周武姓豈宜
以勝上福田為胥下之事非止激人輕訾紫
也亦恐國家受殃帝大感悔亟下寢之一時
建議主役者皆寘重罰○六月二十二日南

地

士

岳思大禪師唱佛坐逝

十年左僕射徐陵以顓禪師創寺請于朝賜

號修禪慈也大師為兄陳鍼述小止觀咨受脩

習初仙人張果相之曰死在朞月師及令行

方寺鍼鍼見天堂門牌曰陳鍼之堂果後見

鍼驚問君服何神藥荅曰但修鍼耳果曰若

非道力安能超死竟延十五年而終

傳

十二年周宣帝復佛道二教

十三年詔國內初受戒者參律五夏勅曇瑒

律師瑒總知監檢有司給其衣食勿使經

管致虧功績不踰數載道器大成乃以瑒為

國僧正

十四年皇太子即位設大會於太極殿舍

身大赦

後主叔寶宣

發

至德元年勅慧恒為京邑大僧正○永陽王

伯智出鎮東陽文帝弟請顓禪師赴鎮開講

王與子湛及家人同稟菩薩戒法

二年詔虎丘智聚法師赴太極殿講金光明經

三年詔顓禪師入京居靈曜寺四月赴太極

殿講大智度論題般若經題久之遷居光宅

寺帝幸寺聽講仁王經躬禮三拜朝議以

僧尼類多無業欲令策經不通者皆休道顓

禪師諫帝曰調達日誦萬言未免淪墜桀特

唯憶一偈乃證四果二事並見天篤論為道

豈關多誦帝大說即停搜簡

四年正月詔顓禪師赴崇正殿為皇太子授

菩薩戒設千僧齋

禎明元年顓禪師於光宅寺講法華經時章

安預聽。都官尚書徐孝克性好惠施不免
飢寒後主勅以石頭津稅給之孝克悉用設
齋寫經初居錢唐與諸僧討論釋典遂通三
論旦講法華經晚講禮傳受業者常數百人
蔬食長齋持菩薩戒陳亡入長安時疾疫隋
文帝聞其名行召講金剛般若上下敬讚臨
終正坐念佛。姚察讀藏經畢日西向坐正
念云一切空寂陳亡入隋終於東都其身柔
輒顏色如生遺命松板薄棺爲墓

佛祖統紀卷第三十七

十五末

梁

永樂北藏

佛祖統紀

第二〇〇冊